



**Siunnersuut uunga: Pisortanit ikiorsiissutit pillugit Inatsisartut inatsisaannik aamma suliffissarsiortunut ikiorsiissutit pillugit Inatsisartut inatsisaannik allanngueq pillugu Inatsisartut inatsisaat**

(Isumaginninnermut, Suliffeqarnermut Nunamullu Namminermet Naalakkersuisoq)  
(Siullermeerneqarnera)

UPA2022 amerlanerussuteqartut Demokraatit avataatigut pisortanit ikiorsiissutit pillugit inatsit aamma suliffissarsiortunut ikiorsiissutit pillugit inatsit akuerivaat. Naalakkersuisut aqqissuusseqqinnernik taavaat. Taamaangilarli. Akerlianik aqqissuusseqqinernik taaneqartut inuiaqatigiit aningaasarsionnerannik ajorseriaataasussaapput aammalu suliffissarsiortunut ikiorsissutininut allannguutit kingunerissallugu, sulinissap nakernarunnaarnera pisortanit pilersorneqarnermiit.

Uuminnga siunnersuummit Naalakkersuisut suliffissarsiortunut ikiorsiissutininut aammalu pisortanit ikiorsiissutit pillugit inatsisissat nutaat atulernissaat kinguartippaat, tassumalu soorunami kingunerissallugu, aningaasanik sipaaruteqarnissarput. Takuneqarsinnaavormi, inatsit, inuiaqatigiinnut pioreersumit akisuneq, kinguartinneqarpat, aap tassa sipaarniarneq.

Uani katersuunnermik Naalakkersuisut ilaatigut meeqqat tapiinik allannguinissamik siunnersuuteqarsimagaluarput. Siunnersuutip kingunerissavaa, ilinniagaqartut lærlingillu isertitaasa annertuumik apparnissaat. Inuiaqatigiittut pisariaqartikkaluarparput, inuit taakku ilinniagartik paaralugulu naammassissagaat. Naalakkersuisut maanna tunuartitaani siunnersuummi imaassimasinnaagaluarimat, maannakkut siunissamilu lærlingit ilinniartullu meerallit ilinniagaqarnissaminnut akissaarunnissaat, tamannalu toqqaannartumik tamatsinnut ajoqutaasussaagaluarluni.

Kisiannili arlaanattaluunniit ilisimangilaa sooq Naalakkersuisut siunnersuut taanna tunuarteraat. Aamma ilisimangilarput, tassunga taarsiullugu Naalakkersuisut suniarnersut. Naalakkersuisummi taamaattuaannarput, ilisimaneqartutut ilungersorlutik Kalaallit Nunaata oqaluttuarisaanerani matoqqanerpaallutillu ersarissuliunnginnerpatut eqqaamaneqarnissartussaammata.

Soorlu oqaatigineqartutut, ajorinngilarput, suliffissarsiortunut ikiorsiissutit pillugit pisortaniillu ikiorsiissutit pillugit inatsisit nutaat kinguartinneqarmata. Sivisunerpaamik kinguartinneqarpata - uagutsinnut ajunnginnerpaassaaq. Pitsaanerpaassagaluarriorli, tunuarterinneqartuuppata, akерlianillu sammisanik aqqissuusseqqiisoqarpat.

Siunnersuut taamatut oqaaseqaaserlugu akuerqqullugu innersuussutigineqarpoq.